



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Diplomatvm Belgicorvm Libri Dvo

Le Mire, Aubert

Brvxellis, 1627

51. Henniensis ecclesia, Hennin (quae est hodie Canoniorum regularium Abbatia, in dioecesi Atrebatensi) ab omni saeculari potestate liberatur, an. 1123. per Carolum Bonum, Flandriae Comit.

**urn:nbn:de:hbz:466:1-10903**

mensẽ ecclesiam à dispositione vel subiectione vestri monasterij remouere, seu qualibet occasione subtrahere, possessiones eius auferre, vel temerarijs vexationibus fatigare: sed ita sub vestro monasterio maneat, sicut à prædicto fratre nostro Burgardo, diœcesano Episcopo, constitutum, & ipsius chirographo confirmatum est.

Si qua igitur in futurum cuiuslibet dignitatis ordinisue persona, nostræ huius confirmationis paginam sciens contra eam temerè venire tentauerit, honoris & officij sui periculum patiat, aut excommunicationis ultione plectatur; nisi præsumptionem suam digna satisfactione correxerit.

Qui verò conseruator exstiterit, Dei omnipotentis, & Apostolorum eius Petri & Pauli benedictionem, & gratiam consequatur, amen, amen, amen.

Ego CALIXTVS Catholicae ecclesiae Episcopus laudauit.

Datum apud S. Petrum, per manum Chryfogoni, S. Romanae Ecclesiae Diaconi Cardinalis & Bibliothecarij, III. Februarij, Indictione XIV. Incarnationis Dominicae anno millesimo centesimo vigesimo primo, Pontificatus autem domini Calixti secundi Papae tertio,

### NOTATIO.

CLEMENTIA ) Guilielmi Burgundiae Comitis filia, Calixti II. Pontificis Romani soror, primùm Roberto II. Hierosolymitano, Flandriae Comiti, post Godefrido Barbato, Lotharingiae Brabantiaeque Duci, nupta fuit.

### CAPVT LI.

*Henniacensis ecclesia (qua est hodie Canoniorum regularium Abbatia, in diœcesi Atrebatensi) ab omni seculari potestate liberatur, an. 1123. per Carolum Bonum Flandriae Comitem.*

**I**N nomine sanctae Trinitatis, Patris, & Filij, & Spiritus sancti, amen.

Ego KAROLVS, Dei gratia Flandrensiũ Comes, notifico omnibus Christianis, tam futuris quàm præsentibus, quòd Balduinus Dapifer meus, & Balduinus, filius Lethardi, & vxor eius Gerberga, con-



concessione Arnulphi de Arda, ecclesiam S. Martini de Henniaco (quæ hætenus sub eorum potestate, quasi ancilla vānalis & misera lugebat) diuino instinctu inspirati, ob remissionem peccatorum suorum, ab omni sæculari potestate absolutam & liberam fecerunt, eamque Deo & S. Martino, ac domino Stephano, eiusdem ecclesiæ Abbati, eiusque successoribus, ibidem Deo secundum regulam B. Augustini, & instituta ecclesiæ S. Nicolai de Aridagamantia victuris, disponendam & ordinandam liberè reddiderunt.

Hanc igitur libertatem & donationem, ob remissionem peccatorum meorum, concedo, & sigilli mei impressione confirmo. Huius verò confirmationis testes sunt,

Robertus Aduocatus,

Guillelmus filius eius,

Guillelmus nepos præfati Comitis. . . . .

Hæc charta data est apud Atrebatum à præfato Comite III. Idus Decembris, anno Domini M. C. XXIII.

1123.

## N O T A T I O N E S.

**HENNEACVM**) vulgò *Hennin Lietard*, amplum est Artesiæ municipium, iure opidi gaudens; à quo nobilissima familia Hennina nomen traxit. Henniaco titulo Comitatus ornauit Philippus II. Rex Catholicus, & possidetur nunc à Duce Bournonvillio.

**ABBATIA**) Henniaco subest Congregationi Aroasiensi, seu S. Nicolai de Aridagamantia: de qua vide supra cap. 40.

## C A P V T L I I.

*Folcoldus Berna dominus, eiusque vxor Bessela, fundant Abbatiam Bernensem, ord. Premonstratensis, in consinibus Hollandiæ & Brabantia. Id suo diplomate Andreas Episcopus Ultraiectinus firmat an. 1134.*

**I**N nomine Domini, amen. **ANDREAS** misericordia Dei, quæ vocat ea quæ non sunt, ecclesiæ Traiectensis Episcopus.

Quo studio, quæue sollicitudine sit inuigilandum his, qui sibi nihil reliquerunt, vt nudi sequerentur nudum Christum, pietas fidelium